

Beatha Teanga

# An Ghaeilge sa Chlós



## Roinnt spreagcheistanna: An Ghaeilge sa Chlós

Cé chomh tábhachtach agus atá an teanga atá in uachtar sa chlós do Pholasáí Labhairt na Gaeilge sa scoil?

Cén t-ionchas atá ann ó thaobh labhairt na Gaeilge ó rang na naíonáin bheaga ar aghaidh?

Cén chuma a bheidh ar an gclós nuair atá an Polasaí Labhairt na Gaeilge i bhfeidhm?

An aithnítear go bhfuil cúramaí dochta teanga ar an múinteoir atá i bhfeighil an chlóis? Cén chaoi a dtugtar feidhm do na cúraimí sin?

Cén difríocht a dhéanfaidh sé an Ghaeilge a bheith mar theanga an chlóis?

Cad iad na córais atá ann chun na daltaí a mhealladh agus a spreagadh i dtreo na Gaeilge?

Cé a ghlacfaidh freagracht as teanga an tsóisialaithe sa chlós?

An bhfuil na páirtithe uile aontaithe gur sprioc réadúil a bheadh ann Gaeilge amháin a bheith á labhairt sa chlós (ag tógáil san áireamh nach mbeadh an teanga riachtanach ar fad ag na naíonáin)?

Cad is féidir a dhéanamh sa chlós chun an Ghaeilge mar theanga an tsóisialaithe a spreagadh?

Cad iad na céimeanna a ghlacfar le Gaeilge a mholadh sa chlós?

An mbaintear leas as tobar teanga dhaltáí na n-ardranganna a úsáid am sosa agus am lóin chun cabhrú leis na naíonáin súgradh as Gaeilge, go háirithe ag tús na bliana?

An bhfuil sé mar shainsprioc ag Polasaí Labhairt na Gaeilge go mbeidh de chumas ag daltaí ó Rang a hAon ar aghaidh an Ghaeilge a úsáid mar theanga chumarsáide sa rang agus sa chlós?

Cad iad na dúshláin shóisialaithe teanga i measc na ndaltaí faoi láthair?

# Roinnt spreagsmaointe: **An Ghaeilge sa Chlós**

1


Go mbeadh an cur chuige céanna in úsáid ag gach duine atá i bhfeighil an chlóis – agus go ndéanfaí measúnú ar an teanga atá in úsáid – agus straitéisí chun dul i ngleic leis an bhforbairt dá réir.

5

Toisc gur suíomh cumarsáide é clós na scoile caithfear díriú ar riachtanais theanga na bpáistí go foirmiúil sula dtéann siad i mbun na ngníomhaíochtaí/gcluichí as a stuaim féin. Déantar cleachtadh ar an teanga seo go rialta. Is fiú deis a thabhairt don pháiste triail a bhaint as sa chlós i dteannta an mhúinteora.

2

Go ndéanfaidh an múinteoir múnú ar an teanga go dearfach sa chlós. Eiseamláirí samplacha d'fheidhmeanna teanga a thabhairt. Ní mór iad a chur in oiriúint do riachtanais do scoile ó thaobh cúlra teanga na bpáistí, canúint, timpeallacht.



3

Go n-úsáidfí 'Spreag an Ghaeilge le Spraoi ó COGG mar uirlis teanga chun an Ghaeilge a shaibhriú sa chlós.

4


Go ndéanfaidh múinteoirí atreorú ar idirghníomhú Béarla ar mhaithe le húsáid na Gaeilge a spreagadh.

6

Go n-úsáidfidh straitéisí éagsúla clóis – cluichí clóis a mhúineadh do na leanaí óga trí Ghaeilge agus cúntóirí/daltaí níos sine a chur i mbun an chlóis chun imirt leo.

7

Go n-úsáidfidh teimpléad fisiciúil chun eolas a bhailiú faoi na heasnamh atá acu – lena chinntiú go bhfuil an teanga shóisialta chuí ag daltaí. (ar bhonn breathnóireachta amháin chun eolas a bhailiú).



9

Go dtabharfaí ticéid aitheantais sa chlós do dhaltaí atá ag déanamh an-iarracht an Ghaeilge a úsáid sa chlós le daltaí eile. D'fhéadfaí bronnadh ag am Tionóil ag deireadh na míosa a dhéanamh, mar shampla:-  
- Bua ag Rang ar leith  
- Duais ranga a bhronnadh (mar shampla turas)  
- Grianghraf ar chlár aitheantais na Scoile

8

Tá sé riachtanach aon dea-iarracht sa chlós a mholadh agus aitheantas a thabhairt dá réir. Moltaí spreagúla eile ná:-  
- Gaeilgeoir na Seachtaine  
- Duais/suaitheantas/plaic a bhronnadh  
- Grianghraf ar chlár aitheantais na Scoile  
- Fráma aitheantais/ ionchur sa nuachtlitr

Le cur i bPolasaí Labhairt na Gaeilge - tuairimí, moltaí agus gníomhartha aontaithe a thagann aníos sa phlé:-



---

---

---

---

---

---

---

---

Nach bhfuil le cur i bPolasaí Labhairt na Gaeilge (agus réasúnaíocht): moltar a áireamh anseo céard nach gcuimseofar sa pholasaí ag an tráth seo, agus an chúis leis sin. Cabhróidh sé seo leis an bplé a éascú amach anseo agus Polasaí Labhairt na Gaeilge á athnuachan.




---

---

+

o



#### Nod don eolach!

Ar thuig tú go raibh na háiseanna seo ann chun an Ghaeilge a spreagadh sa chlós:

**Spreag an Ghaeilge le Spraoi – Scaoil Uait í!** - Leabhrán agus físeán chun tacú le múinteoirí an Ghaeilge a spreagadh sa chlós.

**Rainn Chlóis** - Rainn do pháistí idir óg agus aosta le húsáid sa chlós  
[www.StMarysBelfast.ac.co.uk](http://www.StMarysBelfast.ac.co.uk)

**Lámha in Airde** - Leabhar gníomhaíochta don chlós [www.LamhaInAirde.ie](http://www.LamhaInAirde.ie)